

গুপ্তিপাড়ার রথযাত্রা

বিপুল বিশ্বাস, মদনপুর, ১৭ জুলাই •

গুপ্তিপাড়া প্রধান উৎসব হল রথযাত্রা। পশ্চিমবাংলার সর্বাধিক প্রাচীন ও বৃহৎ রথগুলোর মধ্যে গুপ্তিপাড়ার রথ অন্যতম। উষ্টেটারথের প্রাকালে ’ভাণ্ডারলুঠ’ উৎসব ধুমধাম করে পালিত হয় এই স্থানে।

বাংলার মিষ্টি শিল্পের সূচনা হয়েছিল গুপ্তিপাড়াতেই। এখানেই সবার প্রথম আবিষ্কার হয়েছিল মাখা সন্দেশ। আর সেই মিশ্রণকে আকার দিয়ে নামকরণ করা হয় গুপো সন্দেশ।

বাংলার স্থাপত্য শিল্পের অদ্ভুত নিদর্শন আজও বহন করে চলেছে এই স্থান। এখানে আছে চারটি বৈষ্ণব মন্দির। চৈতন্য, বৃন্দাবনচন্দ্র, রামচন্দ্র ও কৃষ্ণচন্দ্র — এই চার মন্দিরের নির্মাণকাল বিভিন্ন। গুপ্তিপাড়ার মানুষ আজও একই উদ্যমে রাস, দোল ও রথযাত্রা আনন্দের সঙ্গে পালন করে চলেছে।

রথযাত্রাকে সামনে রেখে এখানে এক গ্রাম্য মেলা অনুষ্ঠিত হয়। সমস্ত এলাকার মানুষ তাদের নিত্যপ্রয়োজনীয় সামগ্রী ধামা, কাঠা, কলসি কেনাকাটা করে।



*গুপ্তিপাড়ার এবারের রথযাত্রার
ছবি বিপুল বিশ্বাসের তোলা।*

হাওড়া থেকে ৭৫ কিমি দূরত্বে ব্যান্ডেল কাটোয়া লাইনে অবস্থিত গুপ্তিপাড়া। হাওড়া থেকে ট্রেনে গুপ্তিপাড়া পৌছাতে দু-ঘন্টারও কম সময় লাগে।